



1605_059r.jpg



1605_059v.jpg



Le Mercure François, ou,
1605. faire de bien par force, & en ce faisant laisser les choses en l'estat qu'elles sont, & payer les arerages comme Pon a accoustumé. Quant vous y aurez bien pensé, & que vous aurez recogneu y bonne volonté, & fait le iugemēt que vous fauez de sa droicte intention au rachapt des dettes, & que vous le voudrez supplier d'y vouloir entendre, vous trouuerez tousiours sa Majesté disposee d'embrasser les iustes moyens qui luy seront proposez, & y contribuer du sien.


*Commēt ont
este cōstituees
les rentes de
l'Hostel de
ville.*

Après ceste responce, les Deputez supplierent humblemēt le Roy, de croire qu'en ceste affaire ils n'auoient apporté autre cōsideration que ce qu'ils auoient pēsé estre du bien de son seruice. Auāt que sa Maieité leur dōnast cōgé il se tint plusieurs propos entre l'un de Messieurs du Cōseil, & lesdits Deputez, lesquels supplierent sa Majesté d'auoir esgard que quand aucun de ses predecesseurs auoiet voulu cōstituer cent mille liures de réte sur l'Hostel de ville, il festoit presenté quelqu'un qui en auoit fait le party, lequel auoit baillé audit sieur Roy cōstituant six cents mil liures d'argēt cōtāt, & six cēt mil en debtes, non pour auoir les cent mille liures de rente sur l'Hostel de ville, mais pour auoir les deniers que le peuple bailleroit au Receueur de la ville.


Or le Bureau estāt ouuert, le peuple qui ne scauoit rien de la conuention qui estoit entre ledit sieur Roy & le Partisan, auoit apporté son argēt entier au Receueur cōmis par ledit sieur Roy, auquel il l'auoit deu bailler & non à autre: Et si par apres ledit sieur Roy auoit fait bailler l'argēt au Partisan, le peuple n'en pouuoit estre

Su
blasme
auoit p
roit à
rente a
seult a
tendre
rente n
auoit p
sieurs d
entend
contre
garan
la Maj
recour
positio
Pon y f
Cel
chapt
les ro
guerre
est-il l
peu de
cōstit
veut i
auroie
rentes
eussent
vienn
temps
eussent
dont il
telles r
En ce

1605_060r.jpg



1605_060v.jpg



Le Mercure François, ou

1605.

*Grande es-
clipse du So-
leil.*

*Mort de
Monsieur
Marion.*

*de Theo-
dore de
Beze.*

Eclipse du Soleil, qu'enuirō vne he. apres midy le Ciel estāt tres-serain, tont à coup il y eut demie h. durāt vne tresgrāde obscurité: Les Astrologues en diuers pays en prognostiquerēt beaucoup de choses, selon leur ordinaire coustume.

De personnages lettrez mourut en ceste annee M. Simon Marion Aduocat General en la Cour de Parlement de Paris: il estoit natif de Neuers: Apres qu'il eust esté en son adolescēce quelque temps Aduocat en la Cour, il parut en vn instant vn des premiers du Barreau, & se fit admirer d'vn chacun pour son eloquence, pour la beauté de son esprit, & pour sa doctrine. Les Doctes l'on comparé aux plus-grands Orateurs qui iadis ayent esté en Grece, & à Rome.

Theodore de Beze mourut aussi à Geneue le 23. Octob. âgé de 80. ans. Il estoit natif de Vezelay en Bourgōgne: Il fit ses estudes sous Melchior Volmar, Alemād, Professeur en la langue Grecque. En son adolescēce ayāt fait imprimer ses *Iuuenilia* (ou Amours de sa Blanche,) l'on disoit, pour le beau stile de ses vers, que les Muses Latines estoient passées deçà les Alpes. Duregne du Roy François II. il permuta pour de l'argent sa Prieuré de Long-iumeau, & se mit de la nouvelle opinion, où il tint incontīnēt le premier lieu entre les ministres. Ceux de sa Religio l'ont loué pour vn grād Theologien, & pour vn homme du tout disert, graue en maintien & de douce conuersation. Et les Catholiques-Romains l'ont tenu pour le secōd heretique & qui a succedé à l'opiniō de Calvin, eloquet & disert hardy à parler, mais peu sçauant en Theologie.



S O M
Q V
de


L' F

S O

Bref d e
nitie
Lettre d
gnet
Lettre d
comm
72.
Advis a
l'exc

1605_001r.jpg

I



LE MERCURE
FRANÇOIS,
OU,
LA SVITTE DE
L'HISTOIRE
DE LA PAIX, SOVS
LE REGNE DE HENRY III.

M. DC. V.




LE Pape Clement VIII. deceda le
troisiesme iour de May sur les dix
heures du soir, on le nommoit aupara-
uant Hipolite Aldobrandin : il
estoit Florentin, & fut fait grand Penitencier
& Cardinal par le Pape Sixte V. l'an 1585. Pour
sa dexterité au gouvernement des affaires poli-
tiques il l'enuoya Legat en Pologne, afin de pa-
cifier les differends d'entre Sigismond Prince de
Suece & l'Archiduc Maximilian, tous deux es-
leus Rois de Pologne, & qui pour ceste esle-
ction en estoient venus en des batailles & ren-
contres de sang, auxquelles Maximilian fut des-

1605.

Mort du
Pape Cle-
ment VIII.

A

1605_001v.jpg



Le Mercure François, ou,

1605.

fait & pris prisonnier du grand Chancelier de Pologne, ce qui alloit mettre les Polonois & la maison d'Autriche en de grandes guerres immortelles, sans la particuliere prudence de ce Legat, qui les accorda par la liberté qu'il procura à Maximilian en quittant le tiltre de Roi de Pologne, & faisant espouser au Roi Sigismond la fille aisnee de l'Archiduc Charles. Pour sa grande vertu, pieté & charité apres le deceds d'Innocent IX. il fut esleu Pape le trentiesme iour de Ianvier 1592. Il a tenu le siege par l'espace de treize ans vn mois & cinq iours. Pendant son Pontificat il a pourchassé tât qu'il a peu la paix entre tous les Princes Chrestiens: Il a esté le premier moteur de celle qui a esté traitée entre les Rois de France & d'Espagne; Il a ramené Ferrare au domaine du S. Siege, & conseillé plusieurs alliances & mariages entre les Princes Chrestiens, pour le bien de leurs estats en particulier. Sa deuotion a esté telle qu'on ne l'a veu iamais dire la Messe sans auoir les larmes aux yeux. Bref, totis les aduersaires mesmes de l'Eglise Romaine, sont cōtraints de confesser qu'il s'est comporté durant son Pontificat vray Pere commun de tous les Chrestiens.

*Maniere
d'eslire des
Papes.*

Pendant les exeques & funerailles du Pape Clement, qui durerent neuf iours, comme s'en est la coustume, le Conclau fut dressé, ou soixante & vn Cardinaux entrerent le quatorzieme de May, pour proceder à l'eslection d'un nouveau Pape, qui se fait d'ordinaire par deux manieres, sçauoir l'vne par *Scrutin*, & l'autre par *Adoration*.

1605_002r.jpg

Suite de l'Histoire de la Paix. 2

Le Scrutin se fait en ceste sorte; Chacun Cardinal escrit dans certain billet de papier son aduis & suffrage, & à la fin de la Messe le va porter dedans le grād calice d'or, qui est sur l'autel. Puis tous les billets sont renuersez sur vne petite table, qui est mise pour cest effect deuant l'autel. Il y a trois Cardinaux, lesquels au veu & en presence de tous les autres, desploient ces billets, prononçans à haute voix le nom de celui qui se trouue nommé en chacun d iceux, & les autres Cardinaux escriuent & marquent en vne feuille de papier le nombre des voix que chacun peut auoir, pour cognoistre celui qui en a le plus. En quoi est à noter que pour ellire & creer vn Pape, il faut qu'il ait les deux tiers des voix de tous les Cardinaux qui sont dans le Conclau. Que si par tel Scrutin il ne s'en trouue aucun qui ait les deux tiers, alors & à l'instant mesme on iette dans le feu tous les billets, afin que le tout demeure secret & assoupi, pour obuier aux haines & partialitez qui en pourroient autrement proceder. Et par ce moien la partie est remise à vne autre fois, qu'on faiet & recommence vn autre Scrutin en la mesme forme.

1605.

Par Scrutin.


L'autre maniere, qui est l'Adoration, c'est quand les Cardinaux estans assemblez en la chappelle, se tournent vers celui qu'ils desirent estre faiet Pape, & luy font la reuerence, plians le genouïil fort bas: & quand il se trouue que les deux tiers sont allez en ceste sorte à l'adoration, le Cardinal adoré est faiet Pape.

Par Adoration.

Le Scrutin tenté par diuerses fois; Plusieurs Cardinaux mis en auant, Et entr'autres le Car-

A ij

1605_002v.jpg



1605. *Le Mercure François, ou,*
dinal Baronius, lequel du commencement eut
trente voix, & depuis les iours suiuaus, en eut
iusques au nombre de trente-sept, ou trente-
huit, qui n'estoit nombre suffisant pour faire
les deux tiers: encore que ce fust chose qu'il ne
recherchast aucunement: au contraire qu'il s'en
rendist du tout aliené, faisant tout ce qu'il pou-
uoit pour l'empescher. Les Protecteur, & entre-
metteurs des affaires d'Espagne luy estoient con-
traires, à cause de ce qu'il auoit escrit en l'vn-
ziemesme tome de ses Annales, contre les preten-
tions du Roy d'Espagne touchât la Sicile. Pour
raison dequoy en vne congregation des Cardi-
naux, qui fut tenuë le Mercredy neufiesme de
Mars, auant qu'on entrast au Conclauë, fut mise
en auant & leuë vne lettre du Viceroy de Sici-
le, qu'on disoit auoir esté enuoyée au deffunt
Pape, tendant à fin de faire reuoir & corriger les
liures du Cardinal Baronius. Lequel ayant parlé
avec beaucoup de vehemence & de courage,
pour sa deffence & de ses liures, par vne longue
harangue latine qu'il fist sur le champ, il en rem-
porta vn grand honneur: & par telle action fut
iugé plus digne du Pontificat, que iamais aupara-
uant. Ceux qui luy auoient dressé ceste partie
ne sçachans que respondre: & d'ailleurs confus,
quand le Secretaire des chiffres du Pape (qu'on
disoit auoir baillé ceste lettre,) ayant esté man-
dé, dist ne l'auoir iamais veüe, & qu'il ne sçauoit
que c'estoit. Il en fut aussi proposé quelques au-
tres, contre lesquels se trouuerent des exclu-
sions & oppositions.

Mais le premier iour d'Auril, quand on vint à

parle
se réc
que f
ne, l
rut à
dinal
tecte
cher
ouir
Sain
que
pou
tion
resp
tiers
bō f
dem
bien
Roy
Ain
à 8. l
dicis
L
port
nité
tion
foler
se de
uril.
ua fa
mesn
en sa
ce fit

1605_003r.jpg

Suite de l'Histoire de la Paix. 3

1605.

*Le Cardinal
de Florence
éleu Pape,
prend le
nom de
Leon XI.*


parler du Cardinal de Florence, tout incontinēt
le récontra vn tel consentemēt de toutes parts,
que sans en douter, estans en la chappelle Pauli-
ne, lieu destiné à telles eslection, chacun cou-
rut à l'adoration, qui fut commencee par le Car-
dinal de Ioyeuse. Quant au Cardinal Auila Pro-
tecteur d'Espagne, il fist contenance de l'empes-
cher; mais ne trouuant personne qui le voulust
ouir, il se trouua contraint d'y aller, & prier sa
Saincteté de l'excuser, & luy pardonner: d'autāt
que ce qu'il en auoit fait, c'estoit seulement
pour sa descharge, & faire monstre de son affe-
ction au seruice de son Roy. Sa Saincteté luy
respondit, qu'elle luy pardonnoit tres-volon-
tiers, & qu'il n'auoit fait en cela que ce qu'un
bō seruiteur doit faire. Et que nonobstāt, il luy
demeureroit tousiours bon amy, & esgallement
bien-veillant & bien affectionné, tant enuers le
Roy d'Espagne, que enuers le Roy de France.
Ainsi ce mesme iour, premier Auiril, sur les sept
à 8. h. du soir, le Cardinal de Florence, ou de me-
dicis, fut esleu Pape, & print le nom de Leō XI.

Le lendemain matin, il fut solemnellement
porté dans l'Eglise de S. Pierre, avec les solem-
nitez accoustumees. La benediction & corona-
tion fut faite le iour de Pasques, & la procession
solemnelle à S. Jean de Latran, qu'ō appelle pri-
se de possession, fut differee iusques au 17. d'A-
uiril. Mais au retour de ceste procession il se trou-
ua saisi d'une maladie, dont il deceda le 27. du
mesme mois sur les 8. heur. du matin, & fut mis
en sa sepulture pres de Clement VIII. La Fran-
ce fit autāt de feux de ioye à son eslection (pour-

sa mort.

A iij

1605_003v.jpg



1605. *Le Mercure François, ou,*
ce que c'estoit vn Prince plein de pieté, & qui
auoit tat trauaillé pour elle à la paix de Veruins)
qu'elle fit de regrets pour sa mort si soudaine.

Dix iours apres les Cardinaux entrerēt au Cō-
clauē, il sembloit qu'il deust tirer en longueur,
à raison de quelques partialitez entre aucuns
diceux Cardinaux, ceux qui estoient choisis
par les vns n'estans pas agréables aux autres.

Le Lundi 16. iour de May, comme on estoit
prest de proceder à l'eslection du Cardinal Tos-
co, desia tenu Pape d'vn chacun, en sorte que la
cellule ou chambrette fut pillée par les Concla-
uistes & autres seruiteurs, sur quelque propos
du Cardinal Baronius, qui sembloit en faire dif-
ficulté, se trouua à l'instant du changement, &
les Cardinaux furent diuisez en deux bādes: vne
partie estant dans la Chappelle de Sixte tendans
à l'eslection de Tosco, autre partie en la Chap-
pelle Pauline tendans à l'exclusion: & demeure-
rent en telle diuision la plus grande partie de ce
iour, & sembloit n'y auoir point de remede. Sur
le soir il aduint que soudainement par inspira-
tion le Cardinal Borgheze, duquel auparauant il
n'auoit point esté parlé, en vn mesme instant se
trouua desiré d'vn chacun, avec approbation &
applaudissement d'affection, mesme du Cardinal

Tosco. Tellement qu'à l'heure mesme, la nuict
estant desia fort aduancee, tous l'allerent trou-
uer en sa stance & chambrette, & le menerent
en la chappelle Pauline, où il fut fait Pape par
Scrutin ouuert & suffrages donnez à haute
voix. Il prit le nom de Paul V. & fut couronné
le iour de la Pentecoste 29. May.

*Diuision des
Cardinaux
pour eslire
vn Pape.*

*Eslection du
Cardinal
Borgheze
qui a pris le
nom de
Paul V.*

Il f
ROR
mi d
fible
Le l
Iuin
ans:
& r
La
glet
uoit
ting
seru
du l
iour
lice
frai
par
atte
Sala
Ang
çeu
enuc
Deu
Con
cent
fieur
son M
visite
qu'à
eu en
il lui
lui au

Image issue du site mercurefrancois.ehess.fr - Cliché (c) Cécile Soudan